

貴州通志

貴州通志

全二十八冊

清·鄧爾泰修 靖道謨纂

江蘇廣陵古籍刻印社出版印刷
揚州古籍書店發行

一九八七年六月出版

定價二百元

貴州通志卷之四十五

藝文

詩

五言律

唐

送崔員外黔中監選

蔡母潛

持衡出帝畿
星指夜郎飛
神女雲迎馬
荆門雨濕衣
聽猿收淚罷
繫鴈待書稀
蠻貊雖殊俗
知君肝膽微

送上官侍御赴黔

李嘉佑

莫向黔中路
令人到欲迷
水聲巫峽裏
山色夜郎

西樹隔朝雲合猿窺曉月啼南方饒翠羽知爾飲
清溪

送侯侍御黔中充判官

劉長卿

不識黔中道今看遣使臣猿啼萬里路鳥似五湖
人地遠官無法山深俗豈淳須令荒徼外亦解懼
埋輪

黔中書事

竇羣

萬事非京國千山擁麗譙佩刀看日曬賜馬傍江
調言語多重譯壺觴每獨謠沿流如著翅不敢問
歸燒

寄黔府竇中丞

牟士諤

漢臣旌節貴萬里護將柯夏月天無暑秋風水可
波朝衣蟠艾綬戎幕似雕戈滿歲歸龍闕良哉佇
作歌

初離黔中泊江上

李頻

去去把青桂平生心不違更蒙蓮府辟兼脫布衣
歸霽岳明殘雪清波漾落暉無窮幽鳥戲時向棹
前飛

黔中酬同院常判官

李頻

平生同所爲相遇偶然遲各著青袍後無歸白社
期江流來絕域府地管諸夷聖代都無事從公且

賦詩

自黔中東歸旅次淮上

李 頎

行旅本同愁黔吳復阻修半年方中路窮節到孤
舟夕靄垂陰野晨光動積流家山一夜夢便是昔
年遊

黔中罷職過峽州題田使君北樓

李 頎

巴中初去日已過使君留及得尋東道還陪上北
樓江衝巫峽出橋過洛宮收好是從戎罷看山覺
自由

寄黔南李校書

許 棠

從戎巫峽外吟興更應多郡響蠻江漲山昏蜀雨
過公庭饒越味俗土尙巴歌中夜懷吳夢知經灩

瀕波

送人尉黔中

周繇

盤山行幾驛水道復通巴峽漲三川雪園開四季
花公庭飛白鳥官俸請丹砂知尉黔中後高吟採
物華

宋

送鮮于秘丞通判黔州

梅堯臣

壺頭山下俗巴婦曲中聽汲井熬鹽白燒田種穀
青巖風來虎嘯江雨過龍腥事簡能談者楊雄所
草經

元

貴州

范曄

離思久不愜幽情晚旋添天宜明月獨山與宿雲
兼蛩語通支柱蛛絲映捲簾若無光霽在何以破

朱炎

明

和祁順遊西峽韻

周瑛

溪洞入玲瓏尋山半是空松篁山鬼路烟雨水仙
宮人立紅塵外馬行綠水東忽聞黃太史詩句落
黔中

清平道中

杭淮

亦知春久去花尙滿陵岡小朶穿籬白微風過馬

香清平蒙

理識尊王盛米通吳蜀人今

翼方

嶼遠喜卽舟

杭淮

連山霧不開壑轉一溪迴洶洶奔湍下濛濛細雨
來巫山疑有峽觀瀨不成堆撇旋看舟子乘流亦
快哉

元日新添喜晴

楊慎

白日臨元歲新雲放曉晴城窺水壑迴樓射雪峯
明客經何時到賓鴻昨夜驚離心似蔓草處處逐
春生

平溪道中

何景明

徙倚平溪館天高秋氣清水螢光不定山簷響
平夜火雲間戍寒松江上城終宵無夢寐高枕聽
雞聲

過雲遠

何景明

地僻光搖落空亭長綠莎山川連蜀道市井雜夷
歌旅篋衣裳少秋程風雨多無人相問訊盡日撫
寒柯

古郡青山下經過駐使車上官迎詔拜客望城
遮疊障盤孤壘清江繞百家晚來官署裏獨坐咏
皇華

寥落古城池斜光照戍旗關臨苗子砦洞入長官

司殊俗終難近蠻音久易知踟躕暮江上又是仲

秋時

安南

何景明

崎嶇踰嶺路到郭已昏鐘城險苗難越關高賈不
通郊州秋牧馬崖日煖收蜂民俗殊中域生涯亦
頗同

查城十五夜對月

何景明

中秋看月色移席又前楹河漢三更沒闌山萬里
明風烟依獨戍砧杵閉空城此夜高堂上多應念
遠征

天上何所有團團白玉盤可憐秋半月只是客中

看影直朱樓午輪高青瘴寒美人何處共光影隔
雲端

小市無兼味隣家酒亦慳佳期三五夕遠客萬重
山霄漢分秋色風塵照旅顏去年當此夜坐對紫
薇間

鎮遠署

徐九臯

迢迢沅浦曲轉入夜郎天路出浮雲上山懸飛蓋
前烟霏開遠戍林薄帶長川羽檄宵來急橫戈欲
按邊

過善化寺

夏言

月向潭中靜泉從雲外流寺門通徑幽樓閣傍崖

幽掃石懷留偈憑軒一散愁偶來得奇賞忘却入

遐阻

龍遂

板橋

行部當長夏停軒靜野埃暗雲侵座入橫翠度墻
來啼鳥窺戎旆飛花落酒杯蠻烟村市集物色足
徘徊

關索嶺

孫璽

萬里雲南路三年始得歸野梅渾破夢官柳半垂
絲嶺峻盤空險城尖疊石危邊江據形勝天畔控
諸夷

軍中酬焦學使過予思南別署有懷見寄

田汝成

誰道軍中樂徒勞物外吟朔風淒鼓角嘉節罷登
臨草閣依山迥江梅映雪深無由欵高駕愁絕暮
雲心

烏蠻灘

田汝成

一葉中流下千山兩岸開鼉鼉吹浪轉燕雀受風
迴巨石迎船出啼猿近客哀從來輕險絕涉此寸
心摧

自炎方驛暮宿亦資孔

萬士和

遠道資人力扶持萬嶺中伏隨徒隸亂輿放僕夫
空雲動嵐移黑霞收樹歛紅祇貪趨館宿未暇泣

途窮

送陸給事燦謫都勻驛

黃市汴

國論何年定鄉心此夕搖鴈飛天畔驛龍隱日南
橋謫宦恩非薄居夷路詎遙誰憐梁太傅淚灑漢

文朝

象鼻嶺

吳國倫

山形如象鼻磴道擬蠶叢筏渡千崖底車旋萬石
中短亭微上月鳴瀑遠生風白髮悲行險乾坤一
轉蓬

署中登閣望雪

吳國倫

署閣擁城心羣峯護玉林彤雲一夜合積雪九夷

其
卷之四
三
潔白髮寒相照清樽歎自斟幽蘭意不淺蕭瑟向

鳴琴

碧雲洞

吳國倫

何蕭瑟江外乾坤更一卽却令驄馬使早爲碧雲
留煮石顏堪駐巢松蹟故幽種瓜成五色不忝邵
平侯

王闇齋先生隱居高真菴屬贈

吳國倫

不覩遺榮賦誰知好道心巢雲開石室采露入青
林遂與世人絕杳然仙路深浮邱如可遇吾意亦
無尋

夜過高真觀訪闇齋不值

吳國倫

屬覓遊仙侶重過禮斗壇松雲開闢寂蘿月護高
寒葉落疑捐珮泉鳴憶洗丹盆庭霞似雪益作剡

雲看

聖都寺

孫應鰲

奎城存古寺寂寞已無僧獨有橫經客時分供佛
燈淡雲盤老桂寒日隱荒藤斟酌談時事相看百
歲翁

平旦草堂詠懷

孫應鰲

中野霞千片前峯翠萬重分襟披小草結屋倚高
松巖尚儲新釀貧爲具宿春村居無外戶一任白
雲封